



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-522-3/24**

Datum: **30.10.2024. godine**

«Agencija za vodno područje rijeke Save» Sarajevo rješavajući po zahtjevu Investitora „GRANDEX“ d.o.o. Tuzla za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije poslovno-proizvodnog objekta-proizvodnja sapuna, deterdženata, sredstava za čišćenje i poliranje, planiranog za izgradnju u naselju Bukinje, Tuzla, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev Investitora „GRANDEX“ d.o.o. Tuzla za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije poslovno-proizvodnog objekta - proizvodnja sapuna, deterdženata, sredstava za čišćenje i poliranje, planiranog za izgradnju u naselju Bukinje, Tuzla, na parceli označenoj kao k.č. 525/1 i 525/2 K.O. Bukinje s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Investitor „GRANDEX“ d.o.o. Tuzla se obratio se zahtjevom bez broja dana 05.10.2024. godine za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije sa lokacije poslovno-proizvodnog objekta - proizvodnja sapuna, deterdženata, sredstava za čišćenje i poliranje, planiranog za izgradnju u naselju Bukinje, Tuzla, na parceli označenoj kao k.č. 525/1 i 525/2 K.O. Bukinje.

U postupku dostavljena je i pregledana sljedeća dokumentacija:

- Aktuelni izvod iz sudskog registra matični broj: 1-855 od 14.06.2024 godine izdat od strane Općinski sud u Tuzli-ovjerena kopija,
- Ovjerena kopija katastarskog plana, razmjera 1:1000, broj plana 10., UR broj: 07-27-4912/2024-3 od 26.06.2024. godina izdato od Službe za geodetske i imovinsko pravne poslove, Grad Tuzla;
- Ovjerena kopija zemljišnoknjižnog izvotka broj: 8526/24 od 13.06.2024 godine, zk.uložak broj: 1089 K.O. Bukinje, Općinski sud u Tuzli;
- Ovjerena kopija posjedovni list broj 73 broj: 07-27-4912/24-2 od 26.06.2024 godine, Služba za geodetske i imovinsko-pravne poslove, Grad Tuzla;
- Obavještenje broj: 06/18-19-09665-1/2024 SR od 29.07.2024 godine, Služba za prostorno uređenje i zaštitu okoline, Tuzlanski kanton;
- Izvod iz prostornog plana broj: 06/18-19-09665-1/2024 SR od 29.07.2024 godine, Služba za prostorno uređenje i zaštitu okoline, Tuzlanski kanton;
- Rješenje o prethodnoj vodnoj saglasnosti broj: 04/1-13-21-22880/24 od 30.09.2024 godine izdato od strane Ministarstva poljoprivrede, šumarstva i vodoprivrede Tuzlanskog kantona;
- Dokaz o uplaćenju upravnoj pristojbi;
- Ugovor sklopljen sa „KOMINS“ d.o.o. Tuzla od 01.08.2024 godine
- Studija za prethodnu vodnu saglasnost za pogon za proizvodnja sapuna, deterdženata, sredstava za čišćenje i poliranje, u naselju Bukinje, Tuzla, investitora „GRANDEX“ d.o.o. Tuzla, urađena od strane „Rudarski institut“ d.d. Tuzla, august 2024 godine;

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije utvrđeno je sljedeće:

Lokacija poslovno-proizvodnog objekta- proizvodnja sapuna, deterdženata, sredstava za čišćenje i poliranje se nalazi u naselju Bukinje, Tuzla, na parceli označenoj kao k.č. 525/1 i 525/2 K.O. Bukinje. U blizini parcele na kojoj je planiran predmetni poslovni objekat nalazi se vodotok rijeka Jala koja protiče na udaljenosti od objekta cca 130 m vazdušne linije.

U Studiji kao i u aktu - Obavještenje broj: 06/18-19-09665-1/2024 SR od 29.07.2024 godine, Služba za prostorno uređenje i zaštitu okoline, Tuzlanski kanton je navedeno da se na predmetnoj lokaciji ne nalaze vodozahvati.

Predmetni poslovni objekat je projektovan kao rekonstrukcija i dogradnja postojećeg objekta.

Proces proizvodnje zasnovan je na pripremi vode (proizvodnja destilovane vode) i miješanju odgovarajućih supstanci kako bi se dobili proizvodi. Planirana je proizvodnja sljedećih proizvoda: tekućina za vjetrobranska stakla, destilovana voda, antifriz za auta, deterdženti za suđe.

Proizvodnja tečnih sapuna i deterdženata vrši se na način da se koristi tehnologija zatvorenog sistema umješavanja vode, površinski aktivnih materija, mirisa, boja i drugih pomoćnih sirovina koje se pravilno doziraju, a potom uz pomoć miksera izvrši njihovo homogeniziranje. Punjenje se vrši u prethodno pripremljenu ambalažu a potom se vrši etiketiranje.

Proizvodnja destilovane vode se vrši u destilatoru na način da se od 1000 l vode sa sistema za vodosnabdijevanje dobija 500 l destilovane vode i 500 l tehničke vode.

Destilovana voda se pakuje i distribuira kao gotov proizvod ili koristi kod dobijanja drugih proizvoda.

Jedan dio tehnološke vode se koristi u procesu proizvodnje i ostaje kao sastavni dio gotovog proizvoda a dio se može koristiti za plasman na tržište za različite potrebe.

Oprema koja se koristi (mješalice za razne vrste proizvoda) se ne pere za istu vrstu proizvoda jer bi to značilo gubitak određene količine proizvoda.

Produkcija tehnoloških otpadnih voda svedena je na minimum iz razloga što se najveći dio ovih voda može iskoristiti kao ulazna sirovina u procesu proizvodnje a sve u cilju povećanja iskorištenja i smanjenja troškova.

Pranje se vrši kod promjene boje a prema navodima u studiji prosječno svakih 10 dana. Obzirom na način pranja i količine otpadne vode koja nastaje a koja je neznatna, ista se ispušta u vodonepropusnu septičku jamu bez preliva, zajedno sa sanitarnim vodama.

Pražnjenje septičke jame će se vršiti od strane ovlaštenog preduzeća prema sklopljenom ugovoru.

Podnosilac zahtjeva je pribavio vodni akt od nadležnog organa za sanitarne otpadne vode i za snabdijevanje vodom predmetnog poslovnog objekta.

Na predmetnoj lokaciji nema ispuštanja otpadnih tehnoloških voda.

Tokom rada predmetnog pogona nastaju određene količine ambalaže (papirne i kartonske, plastične, metalne, drvene) koje se zbrinjavaju od strane komunalnog preduzeća.

U studiji je navedeno da predmetnoj lokaciji ne nastaju druge kategorije otpada.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama („Službene novine Federacije BiH“, broj 70/06), u skladu s članom 200. Zakona o upravnom postupku („Službene novine Federacije BiH“, broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad.

Dostaviti:

- „GRANDEX“, d.o.o. Tuzla, Ul. Husinske bune br. 25, Tuzla
- ⊙ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava